



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
23 JULAI 2018 (ISNIN)

AKHBAR

MUKA SURAT

Sinar Harian

- Pendaki sesat di Bukit Kembara ditemui 22

Kosmo

- Selangor diancam pencemaran kilang plastic 01-06
- Bomba selamatkan 3 pendaki di Bukit Kembara 14



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 23 JULAI 2018 (ISNIN)	
Akhbar	Sinar Harian
Tajuk Berita	Pendaki sesat di Bukit Kembara ditemui
Muka Surat	22

22

AMPANG. HULU LANGAT

SH 23/7/18 MS 22.

Pendaki sesat di Bukit Kembara ditemui

AMPANG - Sepasukan anggota bomba dan penyelamat berjaya menjumpai tiga mangsa yang dipercayai sesat ketika mendaki Bukit Kembara, Taman Tar, semalam.

Penolong Pengarah Bahagian Operasi Kebombaan dan Penyelamat, Mohd Rizal Buang berkata, pihaknya

menerima panggilan kecederaan kira-kira jam 12.49 petang.

"Sepasukan enam anggota dari Balai Bomba dan Penyelamat Ampang bergegas ke lokasi kejadian, kita dimaklumkan ketiga-tiga mangsa itu tersasar dari laluan pendakian dan tidak mengalami sebarang

kecederaan," katanya.

Beliau berkata, kesemua mangsa berjaya dijumpai kira-kira jam 1.50 petang dan berjaya dibawa keluar dari bukit tersebut.

"Mangsa dua wanita tempatan dan seorang lelaki warga Afrika diserahkan kepada polis untuk tindakan selanjutnya," katanya.



Mangsa ditemukan selamat kira-kira jam 1.50 petang, semalam.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 23 JULAI 2018 (ISNIN)	
Akhbar	Kosmo
Tajuk Berita	Selangor diancam pencemaran kilang plastik
Muka Surat	01-06

Segar • Progresif • Diyakini
AKHBAR PALING PANTAS BERKEMBANG DI MALAYSIA

SUARA KONTEMPORARI

Kosmo!

www.kosmo.com.my

ISNIN 23 JULAI 2018 RM1 BIL: 278 TAHUN 13 PP13809/08/2012 (030437)

Heut kami di Kosmo Online

Pemilik dusun di Jerantut berjaga waktu malam elak buah durian dicuri >14

Selangor diancam pencemaran kilang plastik

Kilang kitar semula plastik yang diimport dari negara-negara maju cetuskan pencemaran serius, menakutkan penduduk yang bimbang kesan kewujudan kilang itu kepada kesihatan mereka

Oleh LUOMAN RIDHWAN dan AHMAD MUSTAKIM ZULKIFLI

Laporan Khas

HAMPIR 300,000 penduduk di sekitar daerah Kuala Langat di Selangor terpaksa menanggung derita menghirup udara tercemar setiap hari apabila daerah itu dijadikan tempat ahli-ahli perniagaan tidak bertanggungjawab melonggokkan beribu-ribu tan sisa pepejal plastik yang diimport ke Selangor dari seluruh dunia.

Menurut sumber, kini terdapat sekurang-kurangnya 38 buah kilang plastik kitar semula di daerah itu.

Kilang-kilang itu tumbuh umpama cendawan selepas hujan khususnya sejak dua tahun lalu selepas China mengharankan import plastik dari negara-negara maju ke negara itu ekan ancaman pencemaran.

"Selain pencemaran bau disebabkan kilang-kilang

mengeluarkan asap yang sangat busuk, sisa-sisa cecair proses kitar semula plastik turut dilepaskan ke dalam anak-anak sungai di daerah itu," kata sumber tersebut kepada *Kosmo!*

Tinjauan *Kosmo!* di beberapa kawasan penempatan penduduk seperti Telok Panglima Garang dan Jenjarom pula mendapati terdapat kilang terbabit dibina hanya 200

meter dari rumah penduduk.

Kilang-kilang juga bertindak membakar sisa plastik pada waktu malam dipercayai bagi mengelak dikesan pihak berkuasa. Bau busuk asap bahan yang dibakar menakutkan penduduk.

Malah, sesetengah penduduk yang ditemui mengadu mereka sering sakit, hilang selera makan dan sukar tidur malam.

SEBUAH kilang plastik yang beroperasi di dalam ladang kelapa sawit di Jenjarom, Kuala Langat mencetuskan bantahan penduduk.

BERITA DI MUKA 2, 3, 4 & 6

Foto AMIR HAFIZ ABD. RAHMAN, AZRUL EDHAM MOHD. AMINUDDIN dan AMIR KHALID

Pencemaran mendedahkan penduduk kepada risiko pelbagai penyakit termasuk kanser

Kilang plastik ancam Kuala Langat

Laporan Khas

Oleh LUQMAN RIDHWAN dan AHMAD MUSTAKIM ZULFI

KUALA LANGAT – Hampir 300,000 penduduk di Kuala Langat terutamanya di Telok Panglima Garang dekat sini kini terdedah dengan risiko pelbagai jenis penyakit termasuk kanser apabila daerah tersebut dijadikan tempat longkongan plastik kitar semula dari serata dunia.

Ketika China telah mengharamkan pengimportan plastik untuk dikitar semula sejak tahun lalu kerana ancaman pencemaran, saudagar-saudagar plastik dunia menjadikan Asia Tenggara terutamanya Malaysia sebagai laluan baharu untuk menghimpunkan bertan- tanan kiub-kiub plastik setiap hari.

Sumber Kosmo! mendedahkan, sejak dua tahun lalu terdapat sekurang-kurangnya 38 buah kilang dan tempat pelupusan sampah yang beroperasi memproses sisa plastik di daerah Kuala Langat.

Sumber itu yang pernah beberapa kali membuat aduan kepada pihak berkuasa berkata, kilang terbesar di Kuala Langat bersaiz 10 ekar namun tiada papan tanda atau alamat dipaparkan di premis itu.

Katanya, selain pencemaran udara apabila kilang itu mengeluarkan asap yang sangat busuk, sisa-sisa cecair proses kitar semula plastik turut dilepaskan ke longkang dan anak sungai.

"Pada awalnya kami mendapati sebanyak 12 kilang yang memproses sisa plastik di Kuala Langat. Namun,



GAMBAR dari udara menunjukkan ratusan guri berisi plastik yang sedang menunggu dikitar semula di sebuah kilang di Jenjarom, Kuala Langat dalam tinjauan Kosmo! baru-baru ini.

hasil daripada maklumat orang ramai jumlahnya kini sudah mencecah 38 buah.

"Ada kilang yang dibina dalam kawasan ladang kelapa sawit dengan status tanah tersebut ialah tanah pertanian dan lebih menakutkan ada yang diusahakan berdekatan kawasan perumahan penduduk," katanya kepada Kosmo! baru-baru ini.

Partimen Kuala Langat diwakili oleh Dr. Xavier Jayakumar daripada Parti Keadilan Rakyat. Beliau merupakan Menteri Air, Tanah dan Sumber Asli.

Penduduk di Kuala Langat turut meminta campur tangan segera Menteri Besar Selangor, Amirudin Shari untuk menangani masalah pencemaran kilang plastik itu.

Semakan dengan Jabatan Alam Sekitar (JAS)

Selangor mendapati 11 daripada 38 kilang tersebut beroperasi tanpa lesen dan kelulusan JAS.


Sumber memberitahu, Kuala Langat menjadi sasaran kerana lokasinya berdekatan dengan Pelabuhan Klang yang menjadi destinasi penghantaran kontena membawa sisa plastik.

"Lori kontena membawa sisa tersebut ke kilang-kilang itu sebelum sisa plastik diproses untuk dikitar semula dan hasilnya dibawa ke tempat lain.

"Plastik yang telah dikitar semula dalam bentuk pelet atau gentian kapas poliester akan dijual semula sama ada ke pasaran tempatan atau dieksport ke luar negara.

"Sisa-sisa buangan yang tidak dapat dikitar semula akan dibakar. Lebih buruk lagi, ada kilang yang terletak berhampiran sungai turut membuang sisa ke dalam sungai. Ada juga kilang yang kami tahu menimbus sisa buangan ke dalam tanah di kawasan mereka beroperasi," dakwanya.

Dalam pada itu siasa-



tan Kosmo! selama lebih seringgu mendapati kebanyakan operator kilang menggunakan taktik licik apabila membakar sisa plastik dan sampah pada waktu malam bagi mengaburi mata pihak berkuasa.

Bagaimanapun, wartawan Kosmo! masih boleh melihat kepalan asap pelbagai warna keluar dari

cerobong dan tingkap-tingkap kilang tersebut. Bahkan, ada kilang yang tanpa takut-takut membuat pembakaran secara terbuka bahan-bahan sisa pepejal yang tidak digunakan. Lebih menakutkan, wartawan Kosmo! terpaksa mengenakan topeng penutup muka kerana bau asap yang dikehukarkan sangat

tinggi dan busuk dipercepat mengandungi bahan kimia seperti dioksin. Sewaktu siasatan Kosmo! yang turut disertai para pegawai pihak berkuasa, ada staf kilang tersebut menunjukkan tindak-tanduk mencurigakan apabila segera menutup lampu seolah-olah kilang tersebut tidak beroperasi.



AMIRUDIN



XAVIER



PENDUDUK mengambil gambar pembakaran sisa plastik yang tidak boleh dikitar semula di kawasan secara terbuka di Telok Panglima Garang, Kuala Langat baru-baru ini.

INFO Proses kitar semula plastik

- Terdapat tujuh jenis plastik yang boleh dikitar semula antaranya polyethylene terephthalate (botol minuman, pakaian, botol syampu), high-density polyethylene (alat mainan, tong sampah), polyvinyl chloride (paip, wayar), low-density polyethylene (beg plastik) dan polypropylene (straw).
- Sisa plastik dikumpul dari pusat pengumpulan sampah; ia biasanya dimampatkan dalam bentuk kiub sebelum dihantar ke kilang kitar semula.
- Proses pengasingan sisa plastik dilakukan mengikut kandungan resin dan warna plastik menggunakan mesin khas.
- Plastik dipotong menjadi kepingan kecil. Serpihan plastik yang berbeza berat dan saiz dipisahkan menggunakan mesin bagi memastikan plastik berbeza tidak bercampur dalam produk akhir.
- Kepingan plastik dibasuh dengan cecair bagi menghilangkan sisa-sisa pencemaran. Kepingan tersebut seterusnya akan dikeringkan menggunakan haba sebelum dicairkan tanpa merosakkan kepingan. Proses ini mengeluarkan asap.
- Plastik kemudian akan dimampatkan kepada bentuk palet seperti manik. Setengah pusat kitar semula pula menghasilkan bahan kitar semula dalam bentuk gentian seperti kapas. Plastik dalam bentuk ini dihantar kepada syarikat pembuat plastik untuk dijadikan botol, jaket, baju dan sebagainya.

INFO Proses kitar semula plastik di kilang

- Terdapat sekurang-kurangnya 38 kilang yang dikesan di Kuala Langat, Selangor sejak beberapa tahun lalu.
- Kawasan kilang paling besar dilaporkan berkeluasan sehingga 10 ekar di ladang kelapa sawit.
- Kilang memproses sisa plastik yang dikitar semula sebelum dihantar ke tempat lain untuk dijual ke pasaran.
- Kilang menggunakan taktik seperti pembakaran pada waktu malam, membina kilang di kawasan kelapa sawit serta menghalang pengintipan aktiviti kilang.

Info Solat 23 JULAI 2018 10 ZULKAEDAH 1439H

	SUBUH	SYURUH	ZOHOR	ASAR	MAGHRIB	ISKON
K. LUMPUR	5:50	7:11	1:23	4:45	7:30	8:44
SHAH ALAM	5:50	7:11	1:23	4:46	7:30	8:44
SEREMBAN	5:50	7:12	1:21	4:44	7:27	8:41
MELAKA	5:50	7:11	1:20	4:43	7:26	8:40
JOHOR BAHRU	5:45	7:06	1:14	4:37	7:19	8:32
IPOH	5:51	7:10	1:25	4:48	7:34	8:48
P. PINANG	5:52	7:12	1:27	4:50	7:38	8:52
ALOR SETAR	5:50	7:10	1:27	4:50	7:39	8:53
K. TERENGANU	5:41	7:03	1:16	4:39	7:26	8:40
KOTA BHARU	5:48	7:06	1:20	4:43	7:31	8:41
KUANTAN	5:45	7:04	1:16	4:40	7:24	8:37
KANGAR	5:50	7:12	1:28	4:50	7:39	8:54
TAWAU	4:44	6:06	12:38	3:41	6:27	7:41
KOTA KINABALU	4:48	6:10	12:24	3:47	6:35	7:49
KUCHING	5:20	6:41	12:49	4:12	6:54	8:08
MIRI	5:00	6:22	12:33	3:56	6:41	7:55

*Kawasan-kawasan sewaktu dengannya

Tauke dari China kuasai kilang proses sisa plastik

KUALA LANGAT - Beberapa operator kilang dari luar negara dikesan menggunakan kelemahan penguatkuasaan di Selangor dan Malaysia untuk mengaut keuntungan menerusi aktiviti memproses sisa plastik secara tidak sah.

Sumber *Kosmo!* yang pernah menemui seorang

daripada tauke kilang itu memberitahu, kebanyakan kilang tersebut dibangunkan oleh orang tempatan tetapi disewakan kepada tauke China dan Singapura yang mengoperasikan kilang tersebut secara haram.

Tauke-tauke berkenaan menggunakan ejen tempa-

tan yang mencari tapak dan kilang untuk operasi selain lokasi kediaman untuk pekerja-pekerja mereka.

"Mereka tidak mempunyai lesen untuk beroperasi di Malaysia, jadi mereka menyewa premis sedia ada dan menjalankan kegiatan proses sisa plastik di kilang-kilang itu.

"Kilang mereka menggunakan bekalan elektrik dan air daripada premis berdekatan untuk beroperasi.

"Tauke-tauke ini juga dipercayai beroperasi dengan syarikat yang memegang permit import sisa plastik," ujarnya kepada *Kosmo!* baru-baru ini.

Tambahnya, syarikat-syarikat itu menyediakan bekalan plastik kepada kilang milik tauke berkenaan sebelum hasilnya dijual semula kepada syarikat untuk dieksport.

Semakan daripada rekod Jabatan Pengurusan Sisa Pepejal Negara (JPSPN) mendapati dari

tahun 2015 hingga April tahun lalu, terdapat 165 syarikat tempatan yang memegang AP mengimport sisa plastik.

Sumber memberitahu, daripada jumlah itu, sekurang-kurangnya dua syarikat di sini bekerjasama dengan tauke luar untuk memproses plastik.

Gejala bertambah buruk selepas China haramkan kemasukan sisa buangan

Sampah dunia dibawa ke Malaysia

KUALA LUMPUR - Setelah berdekad-dekad menjadi pengimport sisa buangan terbesar dunia, China pada tahun lalu mengambil langkah drastik untuk mengharamkan import sisa buangan bagi mengurangkan pencemaran kritikal terhadap alam sekitar.

Pengharaman itu melibatkan 24 jenis sisa pepejal antaranya plastik, kertas dan tekstil.

Menurut laporan Kementerian Perlindungan Alam Sekitar China, sebanyak 49.6 juta tan sisa pepejal kertas sekerap dan besi diimport ke China pada 2014 manakala laporan lain menyatakan China mengimport 7.3 juta tan sisa buangan dari negara-negara maju.

Polisi itu sekali gus meletakkan dunia dalam krisis sisa buangan kerana negara Tembok Besar itu tidak lagi mahu menjadi tong sampah dunia.

Pihak berkuasa seperti Amerika Syarikat (AS), United Kingdom (UK) dan Australia telah pun menyatakan kekusaran mengenai sisa pepejal dari negara-negara berkenaan yang kini tidak



KEENGGANAN China menerima sisa pepejal plastik dari negara maju seperti United Kingdom dan Amerika Syarikat menyebabkan bahan buangan itu dibawa ke Asia Tenggara termasuk ke Malaysia.

boleh lagi dieksport ke China.

Akibat daripada pengharaman itu, UK mula mencari alternatif bagi menghantar sisa buangan mereka.

Menurut data daripada Jabatan Kastam UK, eksport sisa plastik UK ke Malaysia sudah pun meningkat tiga kali ganda dari Januari hingga April lalu, sekali gus menjadikan Malaysia negara terbesar pengim-

port sisa buangan UK dengan jumlah kemasukan sebanyak 30,318 metrik tan.

Vietnam menerima 14,576 metrik tan sisa plastik dari UK manakala Thailand menerima 2,105 metrik tan.

Sebagai rekod, jumlah sisa plastik yang diluluskan Jabatan Pengurusan Sisa Pepejal Negara (JPSPN) berdasarkan kelulusan permit import (AP) pada 2016

INFO Peta negara-negara yang menerima sisa pepejal plastik dari United Kingdom



ialah sebanyak 48,5417 tan.

Selain itu, pelabur dan pemain industri dari China juga mula menyasarkan negara-negara Asia Tenggara seperti Indonesia untuk dijadikan lubuk memproses sisa plastik.

Dalam pada itu, syarikat-syarikat kitar semula tempatan juga umpama mendapat durian runtuh daripada polisi China itu. Syarikat Heng Hiap Industries

menyaksikan jumlah prosesan sisa plastik syarikat meningkat 28 peratus sejak awal tahun lalu akibat penguatkuasaan polisi tersebut.

Ketua Pegawai Eksekutifnya, Seah Kian Hoe berkata, pihaknya menyasarkan pertumbuhan sebanyak 25 peratus pada tahun ini, seperti yang dilaporkan agensi berita China, *Xinhua* pada Mac lalu.

Kesihatan penduduk Kuala Langat terjejas ekoran kewujudan industri kitar semula Batuk teruk hidu asap kilang plastik

KUALA LANGAT - Dalam tempoh setahun dua ini, beberapa kawasan di daerah ini berubah wajah ekoran pembinaan kilang-kilang kitar semula barang buangan plastik.

Penduduk yang mendiami kawasan tersebut mula gusar dan cemas kerana mendakwa kesihatan mereka semakin hari semakin terjejas disyaki berpunca daripada asap kilang kitar semula yang dibina tidak jauh dari kawasan penempatan mereka.

Seorang penduduk Taman Sentosa, Jenjarom, Ngeo Kwi Hong, 46, berkata, sebelum pembinaan kilang yang terletak kira-kira 200 meter dari rumahnya, dia dan anak-anaknya tidak pernah mendapat rawatan doktor kerana masalah batuk, selesema, sakit tekak atau sakit mata.

Namun begitu, sejak adanya kilang kitar semula kira-kira dua tahun lalu, dia dan anak-anak semakin kerap berjumpa doktor kerana berdepan masalah kesihatan.

"Tiga minggu lalu saya terpaksa mendapat rawatan per-



KWI HONG menunjukkan buah nona yang rosak kerana didakwa terkesan pencemaran udara yang sedang melanda daerah Kuala Langat.

nafasan di klinik berhampiran kerana mengalami masalah batuk dan selesema yang tidak berhenti sejak beberapa bulan lalu," cerita suri rumah yang sudah tinggal di Taman Sentosa kira-kira 20 tahun lalu.

Kata Kwi Hong, keadaannya semakin membingungkan kerana dia kerap berasa kebas di

mata dan hilang selera makan.

"Doktor di klinik yang merawat saya mengesyaki masalah kesihatan saya berpunca daripada asap kilang memproses sisa plastik yang terletak tidak jauh dari rumah saya," katanya.

Selain Kwi Hong yang berdepan masalah kesihatan, wanita itu memberitahu, anak

perempuannya yang berusia 17 tahun juga sejak kebelakangan ini banyak mengadu dia kerap batuk dan sakit tekak.

"Mertua saya pula mengadu mereka tidak boleh tidur malam kerana tidak tahan bau busuk dari kilang kitar semula jika datang ke rumah saya," katanya yang buntu dengan kewujudan kilang tersebut.

Malah menurut suri rumah berkenaan, buah nona yang ditanam di halaman rumahnya rosak dipercayai akibat berlaku pencemaran udara.

Tinjauan *Kosmo!* di kawasan rumah Kwi Hong mendapati sebuah kilang dibina di kawasan ladang kelapa sawit yang dikelilingi pagar tinggi.

Kilang tersebut dikatakan membakar sisa plastik pada waktu malam dan ketika itu penduduk di taman itu sering melihat asap tebal keluar dari kilang tersebut.

Sementara itu, seorang penduduk di Taman Sri Jarom, Jenjarom yang hanya mahu dikenali sebagai Suriati turut berdepan

masalah sama ekoran pembinaan kilang kitar semula kira-kira 300 meter dari taman perumahan tersebut.

Suriati memberitahu, sejak setahun lalu, dia kerap menghadapi masalah batuk dan selesema.

"Seawal pukul 5.30 pagi saya akan terhidu bau hangit dan dari rumah, saya selalu nampak asap seperti jerebu di udara," katanya.

Menurut suri rumah itu, dalam tempoh tersebut dia telah beberapa kali terpaksa dirawat di klinik bagi melegakan masalah batuk yang dihadapinya.

"Doktor yang merawat saya juga mengesyaki masalah batuk saya berlaku kerana pencemaran udara," katanya yang membang dengan kesihatan tiga orang anaknya.

Tinjauan *Kosmo!* di kawasan Sri Jarom mendapati terdapat sebuah tapak pelupusan sampah tidak jauh dari penempatan tersebut. Tapak bersaiz sederhana itu digunakan untuk membakar sampah.

Penternak dakwa rugi hampir RM1 juta ekoran udang harimau mati

KUALA LANGAT - Seorang penternak udang harimau mendakwa dia mengalami kerugian hampir RM1 juta apabila semua ternakannya mati kerana air Sungai Langat yang membekalkan air ke kolam hidupan tersebut tercemar.

Bu Wah Chee, 48, yang sudah 23 tahun menjalankan ternakan udang di Teluk Mengkuang, Teluk Panglima Garang berkata, perkara tersebut menimpa beberapa hari lalu dan dia mengesyaki ternakan tersebut mati akibat air Sungai Langat yang disalurkan ke kolamnya tercemar dengan kewujudan kilang kitar semula plastik di daerah ini.

"Sejak seminggu lalu, semua udang di 13 kolam ternakan saya mati secara berperingkat. Setiap satu kolam terdapat kira-kira dua

tan udang harimau dan jika dijual bernilai RM72,000," katanya kepada *Kosmo!* di sini semalam.

Menurut ahli perniagaan itu, udang harimau yang ditanaknya sudah matang dan dalam proses untuk dijual ke seluruh negara selain dieksport ke Singapura.

Pada masa sama, Wah Chee berkata, dia menyedari kualiti air Sungai Langat mulai tercemar ekoran ikan-ikan berhampiran kolamnya mati.

"Bagaimanapun, saya tiada pilihan kerana kolam-kolam ternakan memerlukan air Sungai Langat kerana ia sumber paling dekat dengan tapak ternakan saya," katanya yang sedang memikirkan sama ada mahu meneruskan perniagaannya atau menyerah kalah.

Katanya, dia mengesyaki air Sun-

gai Langat tercemar selepas kewujudan sebuah kilang kitar semula plastik yang terletak kira-kira dua kilometer dari pusat ternakannya.

"Kilang tersebut disyaki membuang air yang digunakan untuk mencuci bahan kitar semula ke dalam parit sebelum air sisa buangan itu mengalir pula ke dalam Sungai Langat," jelasnya.

Sementara itu, pekerjanya, Selamat Artok, 45, berkata, dia berasa sedih dengan kejadian menimpa pusat ternakan udang tersebut kerana bimbang dia akan hilang punca pendapatan.

"Saya berasa bimbang kemungkinan perniagaan ini ditutup kerana ia akan menyebabkan saya hilang kerja," katanya yang mempunyai seorang lagi rakan sekerja.



MOHD. TARMIZI CHE DOK dan rakan sekerja Selamat (kanan) menunjukkan udang harimau yang mati di kolam ternakannya di Teluk Mengkuang, Teluk Panglima Garang, Kuala Langat.



SEBAHAGIAN udang harimau yang mati akibat pencemaran Sungai Langat.

Asap dari kilang kitar semula berpotensi jadi punca kanser

KUALA LUMPUR - Asap dari kilang kitar semula plastik yang tumbuh bagi cendawan di sekitar Kuala Langat, Selangor berpotensi mengakibatkan kanser paru-paru kepada orang ramai yang tinggal berhampiran premis tersebut.

Pakar perunding Hospital Senawang, Datuk Seri Dr. Zulkornain Ahmad (gambar) berkata, bahan-bahan kimia berbahaya yang terdapat dalam asap boleh mengakibatkan individu yang menghidu secara berterusan terkena kanser paru-paru.

"Semua bahan kimia boleh menyebabkan kanser. Dalam kes pencemaran asap bahan kitar semula itu ia bergantung kepada kekerapan individu berkenaan terdedah kepada asap tersebut dan jumlah bahan kimia yang dihidu sebelum diserang penyakit kronik itu," katanya kepada *Kosmo!* ketika dihubungi semalam.

Menurut beliau, selain kanser paru-paru, penyakit fibrosis paru-paru juga berisiko untuk didapati golongan yang terdedah dengan asap.

Katanya, implikasi lain akibat pencemaran udara turut mempunyai kesan jangka pendek seperti lelah, radang paru-paru, semput, gatal dan ruam pada kulit.

"Golongan yang paling terdedah kepada penyakit akibat pencemaran udara ialah mereka yang memang mempunyai masalah pernafasan selain kanak-kanak dan orang tua memandangkan sistem ketahanan badan golongan tersebut tidak kuat.

"Turut mudah terjejas ialah individu-individu yang menghidap penyakit kencing manis," tambahnya.



Pembekal jentera berat menyesal benarkan lori disewa syarikat kitar semula

Pantau kilang di Kuala Langat

KUALA LANGAT - Seorang pembekal perkhidmatan sewa kenderaan berat, Gan Sun Seen, 58, berasa terkejut dan menyesal apabila mengetahui sebuah lori lima tan milik syarikatnya yang disewakan pernah digunakan oleh pihak tidak bertanggungjawab untuk melupuskan sisa plastik di daerah ini.

Sun Seen memberitahu, perkara tersebut terbongkar selepas dia dibawa mengunjungi lokasi pelupusan sisa plastik yang dibakar oleh sebuah syarikat dari China yang beroperasi di Batu 13, Jenjarom dan kini menimbulkan kemarahan penduduk di sini.

"Saya bersemitu membenarkan lori tersebut disewa selepas wakil syarikat itu datang ke pejabat saya. Saya tidak menyangka lori tersebut untuk digunakan bagi tujuan pelupusan sisa plastik yang dibakar oleh syarikat berkenaan.



TAPAK pembakaran plastik haram yang ditemui dalam tinjauan Kosmo! di Kuala Langat semalam.



SUN SEEN

"Bagaimana pun, selepas saya mendapat khabar bahawa kilang itu menyebabkan pencemaran alam sekitar, saya pergi siasat sebelum nampak pekerja di situ membakar sisa plastik di kawasan kilang tersebut," katanya ketika ditemui di pusat perniagaan miliknya di Jenjarom

di sini semalam. Menurut Sun Seen, lebih mengejutkan sisa-sisa plastik yang tidak terbakar di dalam kawasan sekitar kilang itu dan sebahagian lagi dibiarkan begitu sahaja. "Saya hanya menyewakan lori milik syarikat saya untuk tempoh dua hari sahaja. Sejak hari tersebut tidak ada lagi wakil pekerja syarikat itu datang untuk menyewa lori saya," katanya.

Katanya, ramai yang tidak akan lagi menyewa lori miliknya kepada syarikat tersebut kerana operasi kilang yang dimiliki warga China itu mendatangkan kemarahan penduduk daerah ini.

Mengulas lanjut, Sun Seen memberitahu, kewujudan kilang kitar semula di seluruh daerah ini juga mencurigakan dan ia sepatutnya dipantau pihak berkuasa bagi mengembalikan kebersihan alam sekitar dan menjamin kesihatan penduduk. Katanya, ramai yang mendakwa udara di daerah ini mula dipenuhi asap ketor dari kilang kitar semula.

PEKA mahu Malaysia sekat kemasukan sisa plastik

KUALA LUMPUR - Kerajaan negeri Selangor perlu peka dengan masalah asap dihasilkan kilang kitar semula plastik di Kuala Langat yang menjejaskan kesihatan penduduk kerana isu itu bukan perkara baharu.

Presiden Pertubuhan Pelindung Khazanah Alam Malaysia (PEKA), Puan Sri Shariffa Sabrina Syed Akil berkata, kewujudan kilang dan tapak pelupusan sisa plastik yang beroperasi secara haram di sekitar Kuala Langat perlu ditangani dengan segera kerana ia membahayakan kesihatan orang ramai.

"Pihak berkuasa tempatan (PBT) perlu memantau semua kilang dan tapak pelupusan sisa plastik yang dilaporkan oleh penduduk.

"Lebih penting pihak berkuasa perlu menentukan status kilang-kilang tersebut sama ada haram atau sebaliknya. Jika berlesen, pastikan ia beroperasi mengikut prosedur operasi standard (SOP)," katanya kepada Kosmo! di sini semalam.

Menurut beliau, seluruh penduduk Kuala Langat perlu sama-sama melaporkan sebarang kes pencemaran kepada pihak berkuasa bagi memastikan persekitaran mereka selamat.

Katanya, kehadiran kilang kitar semula sisa plastik di negara ini dilihat tidak memberi manfaat kepada rakyat dan aktiviti tersebut sepatutnya dihentikan.

"Negara-negara membangun lain sudah lama menghalang kemasukan barang sisa plastik, mengapa Malaysia tidak melakukan perkara sama. Kerajaan seharusnya melstarikan alam sekitar dengan menyekat kemasukan sisa plastik ke negara ini," kata beliau.

Sementara itu, Timbalan Presiden Gabungan Persatuan-Persatuan Pengguna Malaysia (FOMCA), Mohd. Yusof Abd. Rahman berkata, pihak PBT perlu lebih tegas dalam melaksanakan undang-undang bagi melindungi orang ramai daripada sebarang masalah kesihatan.

Menurut beliau, setiap laporan atau aduan daripada orang ramai perlu diteliti dan disiasat secara telus kerana kewujudan kilang pelupusan plastik secara haram dikhawatirkan akan menjejaskan kesihatan penduduk bukan sahaja di Kuala Langat tetapi juga di lain-lain lokasi di Malaysia.



SHARIFFA SABRINA



MOHD. YUSOF


Aduan masalah pencemaran dilayan sebagai mencurah air ke daun keladi

KUALA LANGAT - Banyak pihak berpendapat aduan penduduk mengenai pencemaran akibat kewujudan kilang kitar semula sisa plastik di daerah ini boleh diibaratkan seperti mencurah air ke daun keladi apabila aduan mereka didakwa tidak mendapat respons yang memuaskan daripada pihak berkuasa.

Satu sumber memberitahu, pelbagai surat aduan mengenai kegiatan kilang memproses sisa barang plastik didakwa telah dihantar kepada pihak berkuasa berkaitan namun sehingga semalam tiada usaha untuk mendengar masalah penduduk yang terjejas.

"Ada penduduk menghantar surat kepada Majlis Daerah Kuala Langat (MDKL) dan Jabatan Alam Sekitar (JAS) Selangor namun kebanyakan daripada aduan itu didakwa tidak diselesaikan.

"Dalam beberapa kes, JAS ada menghantar surat tersebut kepada MDKL semula



ANTARA surat aduan mengenai masalah pencemaran alam sekitar dan pembinaan kilang kitar semula plastik di Kuala Langat.

untuk tindakan dengan alasan isu operasi premis tanpa lesen terletak dalam bidang kuasa pihak berkuasa tempatan itu," kata sumber itu. Menurut sumber itu,

banyaknya surat aduan berkaitan pencemaran di daerah ini dihantar pada bulan Mei hingga Jun lalu. Justeru, tambah sumber itu, penduduk berharap

Menteri Air, Tanah dan Sumber Asli merangkap Ahli Parlimen Kuala Langat, Dr. Xavier Jayakumar tampil memberi maklum balas kepada isu tersebut.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
23 JULAI 2018 (ISNIN)

Akhbar	Kosmo
Tajuk Berita	Bomba selamatkan 3 pendaki di Bukit Kembara
Muka Surat	14

Bomba selamatkan 3 pendaki di Bukit Kembara

Ko.SMO 23/7/18 Ms 14.

AMPANG JAYA - Tiga sahabat mengalami detik cemas selepas mereka sesat ketika mendaki Bukit Kembara, Hulu Kelang di sini semalam.

Mangsa, Hazirah Hanim Zaharuddin, 26, Hazirah Mohd. Abdul Raushin, 25, serta rakan mereka yang merupakan warga Afrika bagaimanapun berjaya diselamatkan oleh anggota dari Balai Bomba dan Penyelamat Ampang pada pukul 1.50 petang.

Ketua Balai Bomba dan Penyelamat Ampang, Ariff Mohamed Kassim berkata, seramai lapan anggota dikejarkan ke lokasi sebaik menerima panggilan pada pukul



ANGGOTA bomba membawa turun tiga pendaki yang dilaporkan sesat ketika melakukan pendakian di Bukit Kembara, Hulu Kelang semalam.

12.49 tengah hari.

"Hasil siasatan mendapati

dua wanita dan seorang lelaki warga Afrika sesat akibat

tersasar dari laluan pendaki.

"Kesemua mangsa ditemui dalam keadaan selamat oleh anggota yang melakukan operasi mencari dan penyelamat. Tiada sebarang kecederaan dilaporkan dan mangsa berjaya dibawa turun ke kaki bukit pada pukul 2.15 petang," katanya ketika dihubungi *Kosmo!* semalam.

Bukit Kembara setinggi 244 meter dari paras laut itu terletak berhampiran Taman Tun Abdul Razak.

Ia menjadi lokasi kegemaran golongan pendaki berikutan terdapat sebuah tasik yang dahulunya berfungsi sebagai kawasan takungan air.